

不空罽索神變真言經卷第十二

貞二

唐南天竺三藏法師菩提流志奉詔譯

廣博摩尼香王品第十六

爾時觀世音菩薩摩訶薩復白佛言世尊是不空摩尼香王三昧耶有大神力能請十方一切諸佛菩薩摩訶薩一切諸天真言明仙

乙

加持成就持真言者一切諸法廣大悉地亦能摧伏一切妬裔天龍藥叉羅刹闍婆阿素洛緊那羅藥魯荼摩呼羅伽諸惡鬼神亦能消滅世間藥毒蟲毒瘰癧呪詛鬼神諸病人民歡喜增長成熟福蘊善根及解除過現十惡五逆四重等罪三十三天天主帝釋從

昔至今恒以此香塗身熏服假香神力與阿素洛陣敵鬪戰常皆得勝那羅延天亦以此香塗身熏服假香神力降伏一切阿素洛王復常得勝大自在天亦以此香塗身熏服假香神力燒三樓天復常得勝復於往昔佛未出時見有國王号名半拏羅婆泉柅亦以此

香塗身熏服假香神力共驕羅睺王陣敵鬪戰亦復得勝世尊菩提樹下初成正覺坐金剛座降諸魔軍亦以此香塗身熏服假香神力及慈悲力摧諸魔軍一時散壞昔有商主号名成就諸事居士遊於海中採得寶珠而被却失亦以此香塗身熏服假香神力誓弘願言竭大海水住立海岸行大海水不踰一日海水欲盡令諸龍王忙怖持珠却還商主商主得珠即進還家以是寶珠置於幢頭復以此香燒熏寶珠其珠是時七日七夜雨諸珍寶以斯因故說是香王有大神力能大成就持真言者今彼難陀龍王跋難陀龍王往

昔嘗與娑伽羅龍王七日七夜海中鬪戰三俱吐毒渾大海水摠成毒水大自在天亦以此香塗身熏服假香神力海中吸服三龍王毒頃變青色伏變龍毒而成甘露以斯因故說是香力能滅毒故昔有國王号曼馱多王亦以此香塗身熏服假香神力誦念求願得

金輪王常得百千苦行仙衆供侍與譽王四
 天下遊騰虛空往三十三天與天帝釋同一
 牀坐忽起惡心作大妄語即便却墜退失輪
 王以斯義故持真言者應常如法真語實語
 發菩提心常行大悲燒焯此香則得一切如
 來神力加被成就世尊如是說者為諸有情

真二

二

解除十六地獄苦故說解除餓鬼一切飢渴
 羸瘦苦故說解除世間一切灾厄結使故說
 令於今當持真言者成就故說自他求願燒
 此香者皆發悲心若自求者即稱自名若為
 他者應稱他名供養誦念亦得如願日月蝕
 時惡星現時國王大臣沙門婆羅門一切人

民有厄難時應淨洗浴當以此香塗身熏服
 燒焯供養假香神力讀誦不空罽索心王陀
 羅尼真言三昧耶則令一切灾厄疾病解除
 消滅觀世音菩薩神祐加護持真言者清淨
 沐浴當以此香塗身熏衣以大悲心溥為十
 方一切地獄餓鬼傍生一切有情燒焯供養

假香神力誦持不空王陀羅尼真言能令十
 方一切地獄餓鬼傍生一切有情遇香風者
 皆得解脫若有有情性多瞋恚愚癡障者清
 淨洗浴常以此香塗身熏衣於諸有情起大
 悲心至誠懺悔誦持不空王陀羅尼真言速
 得解除瞋恚愚癡一切結使地獄重罪若常

淨浴塗身熏衣依法作法誦持母陀羅尼真
 言十萬遍悉地王真言十萬遍當證不退灌
 頂地住得諸如來加被金剛無間三摩地凡
 燒此香所供養處猶如十方一切如來舍利
 制多亦如十方一切如來香雲光明宮殿住
 處亦如六十四瓊伽沙俱胝那度多百千如

真三

三

來香雲刹土轉法輪處亦是一切菩薩摩訶
 薩金剛諸天真言明仙四天王神半支迦藥
 叉大將娑多藥叉大將形麼婆多藥叉大將
 摩尼跋陀藥叉大將布羅跋陀藥叉大將佛
 力藥叉大將那吒鳩鉢羅藥叉大將及諸藥
 叉大將各并眷屬恭敬擁護與加願處亦是

伊首羅天摩醯首羅天大梵天帝釋天那羅
延天三十三天恭敬擁護與加願處亦是日
天月天星天二十八宿主星神天毗摩夜天
功德天辯才天持地天水天商棄尼神樹林
神山神池神河神海神恭敬護處亦是焰摩
王俱廢羅天俱摩羅天苦行仙衆日夜護持

恭敬供養猶如十方一切如來舍利制多處
亦是觀世音菩薩摩訶薩一切眷屬香雲宮
殿法會住處若有有情得此香者則得修習
阿耨多羅三藐三菩提道告諸天言汝當諦
聽我為利益持真言者一切有情說摩尼香
王伽他頌曰

黑沉水香安悉香 乳陀羅娑香煎香
數各一百八分香 三十二分熏陸香
新鬱金香小甲香 二種數各十分香
多誡羅香白膠香 那誦嚕香蘇合香
迦^反野塞訖香丁香 茅香數七各二分
惹莫迦^同香青木香 塞畢慄迦^同甘松香

畢哩陽愚香藿香 蒙陵香七各四分
白栴檀香龍腦香 麝香三種各三分
牛黃雄黃香附子 杜仲木汁脛^反藕梢
迦^同娜迦^同菓得惹耶 俱物頭華訶黎勒
素縛羅拏訖使羅 止頌瑟努訖爛驪
沒囉歌麼補怛囉 塞努訖訖使囉藥

素麼囉爾那矩利 乳陀那俱利惹耶
是數十七等一分 皆取精妙上好者
白月十五日於閑淨處清潔洗浴以香塗身
著淨衣服食三白食寂斷諸論作曼拏羅鬱
金香泥白栴檀香泥塗摩畫飾置不空王像
以諸香華香水燈明三白飲食敷設供養置
真二 四

香壇上真言加持一百八遍和合搗治粉糖
石蜜白蜜等分加持一百八遍如法合治分
為二分盛磁器中復置壇上面東作法母陀
羅尼真言加持摩尼香王一千八遍奮怒王
真言加持摩尼香王一千八遍悉地王真言
加持摩尼香王一千八遍牢固密封持勿泄

氣埋斯壇地五旬日滿發取燒焯供養一切
不空王手真言

唵喉中擡聲呼之薩縛禪訖誡路一縛路枳鞞二旃

暮伽上紇喇合二娜野三柘羅柘羅四柘羅

五摩訶迦嚕拏迦六娑去陀上野鉢七旃鼻

誣者野八旃暮伽上播捨歌塞反蘇乙羝九莎

縛二訶十

以此真言加持香王滿十萬遍一切如來神力
加持摩尼香王名一切如來所觀察香又名
觀世音與持一切菩提願香一分燒之一

分塗熏燒香真言

唵喉中擡聲呼之薩縛禪訖誡路一縛路枳鞞二摩

訶暮伽上惹耶惹耶四莎縛合三訶五

如是真言加持香王燒供養之當淨洗浴加
持香王塗身熏衣貫服清潔依法受持此真
言者則得十方一切如來神通加祐觀世音
菩薩夢覺現身與授不空智海三昧耶為除
八難四重五逆一切諸罪一切沙門婆羅門

貞二

五

盡皆信仰若熏沙門婆羅門一切人者亦得
解除一切結使若白月八日十五日清淨澡
浴此香塗身著淨衣服食三白食高山頂上
仰天樓上作曼拏羅獻諸香華香水白食燒
焯香王面西供養十方一切刹土一切諸佛
菩薩摩訶薩則於十方一切刹土一切諸佛
菩薩摩訶薩前一時皆現此不空摩尼牛頭
栴檀香雲宮殿樓閣種種臺座幢幡華蓋而
供養之是時十方一切刹土一切諸佛一時
讚言善哉善哉真言者我等諸佛往昔因地
作斯供養西方淨土阿彌陀佛觀世音菩薩
大勢至菩薩一切菩薩歡喜讚歎加祐成就
不空王法及遍一切大梵天帝釋大那羅延
天摩醯首羅天日天月天星天乃至色究竟
天皆供養之是時諸天聞香氣者一時歡喜
謂讚此香從何方來作斯法者得大福蘊成
熟善根若乞雨止雨高迥望處塗曼拏羅燒
焯香王高聲緊捷誦此最勝明王真言稱難

陀龍王名跋難陀龍王名者須雨即雨須止
即止及止一切惡風暴雨雷電霹靂誦持奮
怒王真言燒焯香王一切毗那夜迦諸惡鬼
神悵惶馳走百踰膳那若燒香王誦最勝明
王真言稱摩訶迦羅名諸天神名則得降伏
而為護祐常燒香王供養誦念速得一切大
願成就

金剛摩尼藥品第十七

爾時觀世音菩薩摩訶薩復白佛言世尊是
金剛摩尼藥亦能利益當來一切持真言者
與諸有情解除種種灾厄病惱不吉祥相所
作諸法悉皆成就若點眼者得諸天神冥皆

擁護人民見者悉皆歡喜若塗面者面黥除
滅膚色鮮白若點眼者眼得明瑩人所相見
歡喜問訊若塗佩身誦念之者毗那夜迦諸
惡神鬼悵惶馳走不相障礙得大威力如那
羅延三十三天及諸龍眾亦皆戰怖假真言
藥力動須彌山若有諸病一切灾厄以藥塗

頁二

六

點身分肢節則得消滅若淨沐浴塗身熏衣
誦念懺悔十惡五逆一切罪障則得蠲除人
所見者歡喜相敬觀世音菩薩神通威德加
祐擁護為滿一切菩提境分六十四苑伽沙
俱胝那度多百千如來善根相應觀攝擁護
怨難灾厄悉皆除滅執金剛秘密主而垂擁

護若常佩戴塗身熏衣貫服清潔誦持真言
得諸如來為授阿耨多羅三藐三菩提記乃
至等覺坐菩提座一切天魔眾惡鬼神不相
燒惱若塗鍾鼓擊奏聲曲有情聞者皆當除
脫十六地獄一切罪苦及得除脫八難大怖
水火崖岸刀杖怨賊虎狼蠱毒雷電等難若
有鬼神鳥獸聞者業報受罪亦皆消滅捨斯
身已生人天界若塗螺中樓上山上大聲吹
之有情聞者皆得除滅一切罪障捨斯身已
上生天界若藥置幢頭解除國土鬼神灾癘
惡風暴雨穀米豐稔有情見者攘治灾障金
剛摩尼藥等數頌曰

多識囉香上牛黃

優鉢羅華上雌黃

蓮華鬚藥上雄黃

白栴檀香茅香根

畢囉迦香鬱金香

畢囉陽愚香龍華

縛羅迦香紫檀香

歌隸努藥青木香

路馱羅藥翳羅香

止惹底鉢得觀囉二香

蘇曼那華惹莫迦

軋闍囉娑香迴香

貞二

七

散者囉娑沉水香

杜仲木汁一香皮

白月八日治潔身服食三白食作曼拏羅置

不空王像面東安置獻諸香華香水飲食藥

置壇上悉地王真言加持和合等分加持龍

腦香麝香當和合之分作三分一分熏佩伽

曼陀羅二分服塗水煎沉水香軋陀羅娑香

白栴檀香如法合治悉地王真言丸治藥丸

佩藥捏飾若不開蓮中心上下通穿為孔彩

畫莊飾加持五色線索穿貫作囊盛之持佩

身上若惟塗服當摠為丸復置壇內最勝明

王真言奮怒王真言悉地王真言加持是藥

一千八遍日日供養乃至藥乾若常佩者當

趣三藐三菩提若服塗者能治一切鬼神之

病風濕疥癬惡瘡毒腫癰腫痔病癩病頭痛

喉腫口瘡眼耳鼻舌齒脣心腹疝癖痲痢種

種諸病盡皆治之若腹病者煖水和服若身

外病冷水和塗若男佩者繫左肘上若女佩

者繫右肘上是佩藥者能勤精進依法護持

得大勇猛猶若我身若點額塗身熏服淨衣

修治諸法速皆成就為人愛敬若常戴佩如

法誦念速得成就若右腕佩掐珠誦念得大

威力若繫頸下誦念之者速得諸法相應現

前若二手腕佩修治布施得無盡手獲大功

德若腰上佩渡江河海不為水獸而相災害

又法銀造三十二葉蓮華臺內空合盛佩藥

丸藥熏藥於閑淨處白月八日潔治身服食

三白食淨治飾地作曼拏羅如法模畫標飾

界位置悉地王像面西置銀蓮華當壇心上

獻諸香華香水菓子飲食酥燈燒沉水香白

栴檀香蘇合香日日隨心種種供養晝夜斷

語依法作法最勝明王真言奮怒王真言悉地王真言加持白芥子打蓮華臺滿三萬遍或六萬遍或九萬遍或十二萬遍或十六萬或十九萬或二十二萬每白月八日斷食作法當中夜時或五更時銀蓮華上放大光明於虛空中出大音聲悉地王像言善哉善哉

貞二

八

是時空中一切如來一時現身證斯相時身心適悅執持蓮藥高聲迅誦最勝明王真言一千八遍請觀世音神通威力請一切佛神通威力垂祐加被又誦悉地王真言一千八遍捧戴蓮藥即得神通騰空自在那羅延天持千輻輪現身祐護不順命者則皆摧伏二百千俱胝大真言仙王恭敬讚護證不空大摩尼幢三摩地授得不空廣大光焰羅索執持遊往十方刹土觀見一切諸佛菩薩諸大神變為諸如來讚歎安慰證大摩尼金剛觀察光明照耀清淨之身一切天龍八部鬼神盡皆降伏殷敬擁護壽命千劫常往西方

觀觀諸佛菩薩神通演諸深法以此三昧亦能示現觀世音身及能示現觀世音七寶宮殿亦能作大神通入於地下六十四百千真言明仙大宮殿中自在無礙若繫右臂證諸秘密真言明仙三昧耶若繫左臂證諸藥又羅刹三昧耶若繫腰上證摩尼寶三昧耶若

繫右膝見諸藥精採取無闕若繫右脛得乘第一風輪遊往一日一夜往返輪還三千大千世界無所障礙若繫右脚掌入於地下過七重金剛際地出入無闕若藥舍服誦念之者須臾千言舌相柔軟若常服者得大智慧如意摩尼瓶品第十八

貞二

九

爾時觀世音菩薩摩訶薩復白佛言世尊是不空悉地王最勝如意摩尼瓶三昧耶能成出世世間一切諸法亦如不空如意輪陀羅尼能與有情作大寶處其瓶以金以銀以銅以碼瑙以鑰鈔以磁以泥隨力辦作瓶如珠形中受一斛底象覆蓮口象瓶口內外填飾

遶瓶身上圖畫蓮華圍遶項口畫華鬚藥題
 記四方中層東北面葉上多羅菩薩半跏趺
 坐東面葉上不空罽索觀世音菩薩結跏趺
 坐東南面葉上毗俱胝觀世音菩薩半跏趺
 坐南面葉上除八難觀世音菩薩結跏趺坐
 右畔葉上執金剛秘密主菩薩結跏趺坐西
 南葉上濕廢多白身菩薩半跏趺坐西面葉
 上十一面觀世音菩薩結跏趺坐西北面葉
 上白衣觀世音菩薩半跏趺坐北面葉上
 如意輪觀世音菩薩一手執輪一手執蓮華
 一手掌如意寶珠一手掌頰一手膝上執持
 數珠一手按地結跏趺坐右畔葉上僑理菩
 薩手執蓮華半跏趺坐此諸菩薩面目熙怡
 華冠瓔珞耳璫環釧天諸衣服種種莊嚴坐
 蓮華座上層東北面葉上伊首羅天子摩醯
 首羅天子東面葉上大梵天子帝釋天子日
 天子東南面葉上大自在天子火天神苦行
 仙衆南面葉上那羅延天子焰摩王西南面

葉上俱廢羅天子婆馭縛天子西面葉上水
 天子月天子西北面葉上風天子淨居天子
 北面葉上一切諸天二十八宿天七耀星天
 是諸天等種種衣服具莊嚴之半跏趺坐下
 層東面葉上提頭賴吒天王左手把樂右手
 揚掌半跏趺坐東南面葉上度底使者并及
 眷屬南面葉上毗嚩訶迦天王左手執樂右
 手揚掌半跏趺坐西南面葉上功德天地天
 神半跏趺坐西面葉上毗嚩博叉天王眉間
 一目左手持樂右手掌獨股金剛杵半跏趺
 坐西北面葉上辯才天俱摩羅天半跏趺坐
 北面葉上多聞天王左手執樂右手把獨股
 金剛杵半跏趺坐東北面葉上白象毗那夜
 迦一髻羅刹女使者半跏趺坐是四天王種
 種衣甲天衣莊飾諸天使者天諸衣服而莊
 飾之其瓶周而種種寶乘間錯莊嚴瓶座華
 座以白栴檀木或楓香木或栢木或木楹木
 與瓶相稱刻開蓮華周而畫彩一如蓮華一

貞二

十

一葉上諸器仗印以淨香水淨白芥子當令
曝乾盛滿瓶中淨帛蓋上白芥子龍腦香麝
香牛黃雄黃和合未治置於帛上復以緋帛
重疊覆上上置七寶白月八日治潔身服食
三白食淨治其地作曼拏羅基高一肘堅築
平填以瞿摩夷黃土泥周遍塗摩以諸香泥

重上摩拭規郭界院內院二肘純白栴檀香
泥又遍塗摩純鬱金香泥栴檀香泥中畫三
十二葉開敷蓮華繞華四面畫蓮華髮外院
一肘四面除門畫開蓮華四門畫蓮華髮四
面臺上置種種印標飾界道如意寶瓶置華
臺上獻諸香華香水菓菴三白飲食種種華
髮酥燈油燈稻穀華白芥子白栴檀香沉水
香蘇合香熏陸香或餘諸香而供養之六時
結界護身護伴燒焯廣博摩尼香王供養諸
佛菩薩摩訶薩一切諸天請召作法每日如
是作新淨者敷設供養勿令間斷日日當以
奮怒王真言加持白芥子水灑散寶瓶而結

真一

上

護之以大悲心輪印觀置十方一切諸佛如
來微妙淨身放金色光照融寶瓶一切菩薩
諸天神像光明赫奕以一切如來金剛法性
如意摩尼般若文字光明熾焰三摩地誦持
最勝明王真言悉地王真言加持如意瓶內
外圓光滿十萬遍或二十萬遍當十五日夜

五曉時瓶自旋轉放種種光於虛空中出大
梵聲種種歌詠是時身心明朗喜愉如意瓶
上一切菩薩諸天神像放大光明是時燒香
闕伽供養誦奮怒王真言加持白芥子散於
瓶上瓶中出大梵聲讚言善哉善哉持真言
者汝今成就大如意瓶汝從今去以此寶瓶
求上中下三昧耶者悉得圓滿言下法者當
求種種醫方呪術工巧技藝歌唱讚詠種種
財寶皆得圓滿言中法者當求種種聲明之
論辯才文持義持摠持一切經論歷數筭計
皆得圓滿言上法者當求識見一切諸佛菩
薩金剛諸天宮殿一切藥叉羅刹神鬼宮殿

一切陀羅尼智三摩地入諸法會三摩地入諸地位三摩地皆得圓滿若時亢旱惡風暴雨雷電霹靂疫疾諸災治地摩壇當置寶瓶修治作法云之止之皆得遂願當取瓶上白芥子龍腦香麝香牛黃雄黃真言加持杜仲木汁和合爲丸真言加持赤黃牛乳和藥點頂髮際額上肩上手脚掌上則得神通百千俱眩真言仙衆一時現前不爲一切藥又羅刹鬼神覩見若服餌者壽命萬歲當得悟解一切論辯一切陀羅尼真言曼拏羅印三昧耶若藥點臍渡江河海不爲水獸而相災害若藥點頂往於軍陣鬪諍之處俱生和解若和酥服得大威力等十白象掌弄白象不以爲難若塗二臂力敵百人相扞相撲盡皆得勝若天寺中而誦真言稱諸天名一百八遍以藥置於天寺舍中得諸天神而自目伏風雨順時無諸災疾若藥置於人家門頭其家歡喜無諸疫疾鬼神等病若藥置於寺門頭

貞二

十一

者僧衆安樂無諸惱疾住大慈心若藥置於聖僧座下不爲鬼神偷諸食味常令衆僧得上味食若置鉢中巡門乞食速得上食若門若路一切人民見斯鉢者皆滅垢障若藥置於舍利塔中當令日日得大施福若藥置於觀世音像足下者每日誦念不空絹索心王陀羅尼真言一百八遍令諸人民自常供養觀世音菩薩長不斷絕若藥置於十字道中一切鬼神被逐馳怖不相侵惱若藥置於高山頂上一切藥精放光出現取之無畏所有有情住是山者則得解除一切災障周遶是山百踰膳那無諸疫疾鬼神等病若施諸人而頂佩者觀世音菩薩而常憶念滅諸罪障一切災厄若藥置於田中苗實豐熟不爲蝗蟲惡風災暴若藥置於庫藏中者財寶穀帛而無散耗若有有情短命薄福被諸毗那夜迦一切鬼神作病惱者香湯和藥數數浴身一切病障宿積罪垢一時除差世間所樂一

切諸法隨心作之盡得成辦

如來加持品第十九

爾時釋迦牟尼如來舉伸右手摩觀世音菩薩摩訶薩頂讚言善哉善哉摩訶薩能以自在大神通力顯現演斯世未曾有不空絹索心王陀羅尼真言三昧耶悉地王真言曼拏

真二

十三

羅印三昧耶如意寶瓶與瞻部洲苾芻苾芻尼淨信男淨信女安立成就不空悉地王真言曼拏羅印三昧耶如意寶瓶皆獲利益得大安樂令受持者勤讀誦持得佛菩提轉法輪處我今以是受持讀誦此三昧耶者付囑於汝令得成就最勝悉地汝當護念種種加

持與諸法願我亦種種成就加持無量三昧功德善根而成就之

爾時觀世音菩薩摩訶薩歡喜踊躍熙怡微笑合掌恭敬頂禮雙足又白佛言世尊我誓遍於十方一切三千大千世界所有一切有情有情等以大悲心盡皆攝受乃至傍生水

陸之類一切有情亦盡攝受為與解除一切業報種種苦惱皆住菩提不退轉地世尊彼等有情專念我名欲得真實成就法者我皆觀察加祐護持為作成就復有有情為脫諸苦亦念我者亦以大悲慈善根力攝護觀察為脫諸苦世尊復有有情善明法式謂求解

脫發大悲心常勤精進晝夜六時受持讀誦是不空絹索心王陀羅尼真言解脫蓮華曼拏羅印三昧耶悉地王真言曼拏羅印三昧耶恭敬供養依法修者我最偏急憐同觀察愛念守護頂戴擔負常不放捨以大悲力愛念此人心不滿足心不放捨謂得種種示教

利喜得大解脫住菩提道滿一切願擁護利益是以我心而不滿足而不捨離世尊復有情為斯教網流傳示現亦能精勤依法修治恭敬供養此三昧耶受持讀誦思惟聽聞善解文義修治法式世成就者復有有情暫聞此三昧耶一一章句者我皆隨逐祐護利

益當應與證出世世間一切勝願安住菩提不退轉地若有傍生水陸之類一切有情若得聞此真言三昧耶文詞章句我亦當與住不退地世尊何況清淨有情常依法住持戒精進以大悲心晝夜六時依法受持讀誦此不空羅索心王陀羅尼真言最勝廣大解脫

真二

十四

蓮華曼拏羅印三昧耶者而豈不與現證一切三摩地耶世尊如是清淨依法受持真言之人此乃真非臭穢之身應知此人是天中天微妙淨身世尊云何證知斯人是天中天微妙淨身世尊緣此不空羅索心王陀羅尼真言廣

大解脫蓮華曼拏羅印三昧耶圓在斯人藏識中住由是不空羅索心王陀羅尼真言廣大解脫蓮華曼拏羅印三昧耶威神力故說此人身必定是名天妙淨身世尊當知此人即是不空悉地三昧如意寶身應知即是如來藏曼拏羅印法之身應知即是不空羅索

心王陀羅尼真言曼拏羅印法之身應知即是離於慳貪嫉妬之身應知即是清淨無垢之身應知即是一切天龍藥叉羅刹乾闥婆阿素洛藥魯荼緊那羅摩呼羅伽人非人等恭敬供養身應知即是三十三天恭敬讚歎擁護之身應知即是七十二瓊伽沙俱胝那

庾多百千如來前植種善根成熟相應身應知即是阿彌陀佛法身應知即是一切菩薩摩訶薩敬護加被身應知即是執金剛秘密主菩薩敬護祐身應知即是甚深大海廣無際身應知即是須彌山王身應知即是清淨虛空大摩尼寶身應知即是真實舍利塔身

真二

十五

應知即是一切如來授記加被身世尊應知此不空羅索心王陀羅尼真言廣大解脫蓮華曼拏羅印三昧耶有大威德有大神通是真實出世間法

世尊末世彼諸有情多有貪瞋愚癡嫉妬恨戾懈怠一切重罪纏裹身心三業不淨不定

信此三昧耶甚深明教又不明解受持修習
真言明印儀式觀智一一文義三昧耶故世
尊如斯有情晝夜常有種種憊各積聚障累
相續不絕雖復受持讀誦供養時數間斷不
專誦持若不成就非我過咎世尊如斯有情
雖不證成菩提三昧但為災厄種種惱疾即
便稱念受持讀誦我此不空罽索神變陀羅
尼真言法教我亦常與夢覺現身加被擁護
世尊我雖數數現身警覺此輩有情由自身
業惡作惡觀雜漏充滿亦不識我亦不憶我
亦不須更定心思惟觀照念我如此有情云
何得度世尊末世復有有情志定堅固持戒
精進又復深信此真言教受持讀誦係念思
惟觀照我身我則常得現身與語同住同事
世尊我雖為現亦不識知是我之身世尊我
所現者為現沙門身執持應器或現淨行婆
羅門身或現刹帝利身或現商人身或現國
王身或現宰官大臣身或現朋友身或現父

母身或現兄弟姊妹身或現童男童女身或
現內外親族身或現和上闍梨身或現同學
身世尊是真言者雖見此等諸相善應數數
察候語義威儀庠序意旨說諸語話常顧占
筭見是相時即知此是觀世音化身示同我
伴言論法事世尊我作如是相貌現者為與
方便顯教誘引種種度脫滿諸願故世尊我
若作商人身者於市邸店大眾之中而作種
種廣大貨易隨類隨事評量言說或復隨處
聚落大眾示同類人一一共談四毗陀論或
說內外一切大聲明論或作種種題篇諷詠
絃管歌唱鼓樂之人皆為上首或復解說毗

真二

十六

奈耶藏阿毗達磨藏大乘素怛羅藏乃至鳩
波提舍等經種種文義或同淨行大婆羅門
解說一切起世界法或說種種事火天法或
說昔時帝王種種治國相侵伐法或共一切
持真言人等解說種種陀羅尼真言曼拏羅
印三昧耶安隱之法豐饒之法降鬼神法解

怨讎法世尊於諸衆中作是現者云何證知
我在衆中世尊當以三相現身驗知一者所
問隨事典切柔和質直相應語答二者口氣
香潔如優鉢羅華香龍腦香言音美麗清朗
和雅三者身氣香潔如栴檀沉水一切諸香
或復隨類同上中下各現種種姿畏醜陋空
穢之身威雄越衆世尊若有遇是相者則見
觀世音菩薩摩訶薩應化之身或於睡中爲
現種種善夢瑞相誘進令滿一切菩提不退
願地世尊我常以斯善巧方便處處現身令
彼有情以少功力而則獲得世間隨身一切
樂具盡皆充足世尊如斯見者惟除嫉妬妄
語邪見誑曲有情而不見矣世尊我見如斯
嫉妬妄語邪見誑曲有情一切諸天善神使
者不護觀錄如有有情雖不現身得證成就
我亦爲於當所生處與大成辦世尊以大悲
力運攝我心度脫當來一切有情皆與植種
菩提種子潤液藏識

真二

十七

爾時釋迦牟尼如來十方刹土一切如來一
時讚言善哉善哉蓮華手汝能具以大悲之
力運攝當來一切有情度脫生死貪愛獄縛
其中有情爲受種種刑戮怖畏獄縛禁閉窮
頓裸露飢羸瘴惶或爲一切罪障灾厄種種
病惱聽聞讀誦此真言典一品之法我等謂
爲除脫諸苦同作攝受加被授記何況廣大
依法精進清淨觀照受持讀誦不空絹索心
王陀羅尼真言廣大解脫蓮華壇印像法香
法藥法恭敬供養而自書寫教他書寫我等
諸佛豈不與證阿鞞跋智地耶應知斯人則
儻種種承事供養十方刹土一切如來蓮華
手若末世中有苾芻苾芻尼族姓男女白月
八日不食不語依法輪結不空絹索印母陀
羅尼真言加持印加持印頂奮怒王印奮怒
王真言加持印加持印頂者應知斯人即是
如來身已得如來法性藏故此人不應於諸
有情而生倨傲我慢自慢應於一切有識有

情起大悲心常備修治此三昧耶者或復有人入茲三昧耶曼拏羅者或復有人但當讀誦此經典者如是等人皆得名入東西南北四維上下十方殊伽沙數一切佛刹覩見一切如來秘密三昧耶亦名得見一切如來法報化身若常依法結印印頂即名常得一切

如來為授灌頂大福德蘊稱歎善根成熟相應我等如是大稱讚者皆是旃暮伽王神通功德三昧耶若復有人見斯神通經卷像者則名等見九十二殊伽沙俱胝那度多百千一切如來應正等覺三十二大人相八十妙好無量功德法報化身當得我等一切如來

祐護攝受解除五逆十惡重罪隨得一切大福聚蘊而自相應如斯之人名後邊身捨此生已安樂國土蓮華受生更不退轉若有有情短命多病能信此經如法書寫受持讀誦恭敬供養係念觀照則得長壽無諸天疾解除貪瞋諸惡垢障當得成就大瑜伽定一切

功德具足相應此不空羅索神變真言加持經等量十方一切法界一切如來故

十八

不空羅索神變真言經卷第十二 貞二

妬齋上羊都路反扞音汝渾呼去聲哩力止藜音柘反夜所臻迥反捷反黠反

古羣癘音得都囊盛痔直痲音

蘇匣梨音腕烏脛形僑其馭音

上丑佳反係音籍楚邱反全音液音

下蒲角反倨音傲音荷反阿可闕反

保郎果反倨音傲音荷反阿可闕反

不空羅索神變真言經卷第十三 貞三

唐南天竺三藏法師善提流志奉詔譯

溥遍心印真言出世間品第二十

爾時觀世音菩薩摩訶薩合掌恭敬歡喜踊躍得未曾有放殊伽沙俱胝那度多百千光明溥照三千大千世界而自莊嚴又白佛言